

清 代
三 朝 史 案



清代三朝史案

上

江蘇廣陵古籍刻印社

影印說明

《清代三朝史案》，是以民國年間故宮博物院文獻館所編《清代文字獄檔》和《文獻叢編》爲藍本，搜集清代康、雍、乾三朝所發生的史案若干，分案編纂而成。內容涉及政治、文化、外交等各方面。不僅具有歷史研究價值，而且也是創作歷史文學的好素材。

江蘇廣陵古籍刻印社

一九九三年五月

清代三朝史案目錄

上 冊

康熙建儲案	1
允祀允禩案	17
蔡怀玺投书允禩案	87
卢宗汉案	97
张倬投书案	105
范世杰呈词案	161
屈大均诗文及雨花台衣冠冢案	179
谢济世著书案	197
王肇基献诗案	201
丁文彬逆词案	207
刘震宇治平新策案	237

胡中藻坚磨生诗钞案	245
刘裕后大江滂书案	303
程塾秋水诗钞案	307
杨淮震投献霹雳神策案	315
朱思藻吊时语案	321
陈安兆著书案	323
林志功捏造诸葛碑文案	327
阎大镛俟俟集案	331
余豹明首告余腾蛟诗话讥讪案	339
李雍和潜递呈词案	353
王寂元投词案	369
蔡显闲渔闲闲录案	377

中 册

齐召南跋齐周华天台山游记案	1
李绂诗文案	35
李浩结盟安良二图及孔明碑记图案	39
柴世进投递词帖案	59
徐鼎试卷书有平缅表文案	65
王道定汗漫游草案	73
李超海武生立品集案	81
安能敬试卷诗案	87
王珣遣兄投递字帖案	91
陆显仁格物广义案	111
澹归和尚偏行堂集案	115
严谱私拟奏折请立正宫案	165
沈德潜选辑国朝诗别裁集案	191

王尔扬撰李范墓志称皇考案	197
袁继咸六柳堂集案	203
龙凤祥麝香山印存案	215
刘翱供状案	223
黎大本私刻资孝集案	237
陶煊张灿同辑国朝诗的案	245
韦玉振为父刊刻行述案	253
刘峨刷卖圣讳实录案	259
王大蕃撰寄奏疏书信案	285
李麟虬峰集案	293
陈希圣诬告邓邕收藏禁书案	301
黄检私刻其祖父黄廷桂奏疏案	309
智天豹编造本朝万年书案	333
石卓槐芥圃诗案	345

祝庭淨续三字经案

357

冯王孙五经简咏案

371

沈大绶介寿辞硕果录案

385

下 册

艾家鉴试卷内书写条陈案

1

魏塾妄批江统徙戎论案

13

戴移孝碧落后人诗集案

21

吴英拦舆献策案

57

刘遵宗诸案

67

王仲儒西齐集案

71

吴碧峰刊刻孝经对问及体孝录案

89

叶廷推海澄县志案

95

程明理代作寿文案

103

尹嘉铨为父请谥并从祀文庙案	121
梁三川奇冤录案	223
焦禄谤帖案	229
卓长龄等忆鸣诗集案	233
高治清沧浪乡志案	247
方国泰收藏涛浣亭诗集案	253
回民海富润携带回字经及汉字书五种案	257
戴如煌秋鹤近草案	271
楼绳等呈首河山氏谕家言暨巢穴图略案	275
乔廷英李一互讦诗句悖逆及乔廷英家藏明传梅雉园存稿案	279
冯起炎注解易诗二经欲行投呈案	285
贺世盛笃国策案	313
荷兰国交聘案	327
英咭利国交聘案	347

吴文世云氏草案

沈大章案

383 357

康熙建儲案

案清康熙十四年立允礽爲太子四十七年九月廢四十八年三月復立五十一年十月又廢禁錮於咸安宮諭云後若有奏請皇太子已經改過從善應當釋放者朕即誅之至五十二年二月趙申喬奏請冊立太子諭以皇太子事未可輕定將原摺發還五十六年十一月大學士王揆及御史陳嘉猷等八人又密疏奏請建儲諭揆等勿爲名起見五十七年正月翰林院檢討朱天保疏請復立允礽康熙御行宮正門親問天保語及其父都納天保斬決六十年慶賀元旦典禮王揆又具摺復請建儲御史陶彝陳嘉猷等十人亦會銜上疏同年三月康熙手諭諸王大臣斥之羣臣請議王揆等罪奉旨發往西陲効力時揆年已七十由其子奕清代往雍正即位關於建儲事改書密封不預公布元年八月一日諭云建儲一事理宜夙定去年十一月之事倉卒之間一言而定聖祖神聖非朕所及今朕親寫密封緘置錦匣藏於正大光明匾額之後諸卿其識之至乾隆時又著古今儲貳金鑑一書

行世今檢懋勤殿檔有王掇奏請建儲原摺四件陳嘉猷等原摺二件照錄于下

王掇摺一

臣王掇謹奏欽惟我皇上以仁敬慈孝之身備修齊治平之道始於家邦迄於四海無一物之不得其所無一事之不協於中治具畢張人民和樂真足以固萬年之根本樹億禩之儀型自唐虞三代以來治化之隆未有如今日者也惟是儲位一事虛懸日久迄今未定仰見我皇上慎重之心深遠之慮將以規畫盡善付托萬全然臣嘗伏念懋建元良從古所重歷考前代之紀無不以國本素定而又安而老成謀國亦無不以元子早建爲急務當明神宗朝臣之先臣錫爵職任宰輔時以儲位未定先後瀝疏或公籲或獨奏或屬言或密揭凡三十餘上率以回疑貳之心而息紛紜之論儲位既定內外晏如臣每循覽家乘捧先臣奏牘未嘗不歎先臣忠悃之獲伸而感悟之深切也但先臣未遇堯舜之主故不能以片言立決必待反覆陳奏而後得當今臣遭逢皇上聖明凡百

措施度越前代每見皇上於家國事宜雖至纖微無不計慮久遠處置明備況儲位之重乎臣知皇上聖鑒必已素定於中特有待而後發是以臣雖叨沐洪恩擢任機務五載於茲未嘗一言及之非以緘口避嫌實謂此事當出自乾斷無俟臣等之置喙也今天下喁喁引領待命已歷數年愚賤之心未能咸知聖意臣每伏見皇太后春秋漸高含飴之愛燕翼之心懸望切至每歲恭遇皇上萬壽普天率土黃童白叟皆得匍匐來京呼嵩祝華而宮庭戲綵之下主器者末由申孺慕之誠臣心每爲惄然且以臣之庸愚叨荷國恩全家蒙福每佳辰令節父子祖孫團聚一室因以感頌皇上錫類之仁被於臣下者猶如此況我皇上身爲天下之主富有四海之大而於家庭父子之樂顧不欲其萬全而無遺憾乎伏願皇上深念國本之重察德慧福澤之所鍾念困心衡慮之已久手頒詔諭早定儲位則宗社幸甚臣民幸甚臣漢人也於皇上家事未能深悉而羣情向背察之已審皇上臣民之天也天意所屬人心自服人心即天心也臣賦性愚魯歷官五十年臣惟知有皇上耳凡聖子神孫臣皆未嘗一通姓氏臣

今日之言初非有所攀附以希後日之寵利但念國本重大實係千秋萬世之至計久安長治之鴻基且見一月以來雨澤偶愆上廬睿懷屢頒諭旨下詢政事闕失伏思聖政日隆聖德日懋反覆思維無可置議或惟此聖心默運之際自足以感召天和故敢瀝忱密奏以瀆聖聽臣衰老多病前歲蒙皇上天地之恩得以再生然衰憊之狀日甚一日向欲靜候皇上之裁定故遲之又久未敢妄陳今臣衰病日加倫朝露猝至有懷未吐則上負皇上知遇之隆下背先臣忠盡之訓其何以自立於天地爲此昧死上陳伏候聖鑒皇上俯賜採錄即見施行則如陽和一照羣翳自消眞天下之福或聖意尙須深籌熟計大典舉行有待伏望皇上鑒臣愚忠曲賜保全萬勿宣露臣言以貽臣後日之隱禍則臣生生世世感高厚之恩於無窮矣臣不勝惶悚待罪之至臣謹奏臣姪孫監生臣王楷繕寫

王揆摺二

臣王揆謹奏本月十六日臣家人齎回欽賜御書匾額二幅臣曾祖王錫爵懋

勅貽範臣父王時敏篤行通才臣恭設香案謹率闔家子姓除臣子詹事臣王奕清現在熱河外臣姪休致檢討臣王遵宸臣姪孫編修臣王壽候補員外臣王瞻舉人臣王玘臣孫恩蔭生臣王懷等望闕叩頭祇領訖臣隨張掛堂上盡日瞻仰伏觀皇上筆力雄勁結法森嚴神采煥發乎毫端鋒穎直透於紙背皆由聖躬康泰故能以萬幾之暇豫發越於揮毫以乾健之精神流露於翰墨萬壽無疆於茲益信臣感激之下懼忝實深臣伏尋繹懋勳貽範字義不惟寵褒臣祖亦即所以教勗微臣蓋臣祖秉政之日正前代弛玩之時故凡事關宗社必連章累牘苦口直陳而遷延歲月且不能諒於當日紛呶之口雖積誠所孚久之終於格正而臣祖之心力良瘁矣今臣遭逢堯舜乾剛獨運凡細事且不遺乎睿慮大事自默定於宸衷總之皇上深籌密畫通出於羣臣思議之先謀慮之表臣雖欲展區區一得之愚亦何足仰佐高深之萬一追念臣祖是臣處其易而臣祖處其難臣祖猶將盡瘁於叔季之世而臣曾無所補報於聖明之朝今日跪捧奎章感動之餘真不禁臣之怒焉負疚悚然思奮也至於臣父雖

起自任子未登科甲而行成名立爲鄉黨所宗茲蒙錫以篤行通才則臣父之品詣文采包舉無遺此尤臣數十年迴環五內惴惴不敢仰祈亦惟恐祈之而不能得之於皇上者而今一旦得之此真曠代之奇榮百世之盛事豈惟臣之祖父銜感於無窮實自臣之身以及臣之子姓世世所不能仰報者也臣衰耄之年深懼隕越而一月之中旣荷特賜御書詩扇對聯於前先世又蒙欽頒匾額於後聖恩稠疊於斯極矣惟有益竭踵頂之報犬馬之勞以仰答天高地厚於無旣耳謹繕摺恭謝天恩臣不勝感激踴躍之至臣謹奏

王揆摺三

臣王揆謹奏本月二十五日臣蔣廷錫家人齎到諭旨一道內稱七月二十日蔣廷錫勛廷儀王圖炳奉皇上面諭王揆謝賜伊祖父匾額奏摺復言及伊祖王錫爵上疏建儲一事若論萬曆朝王錫爵相業此匾亦不應賜朕猶及見萬曆年間內侍得悉當時情事萬曆以羣臣教請乃立泰昌泰昌平日極不能盡孝道萬曆之終亦不甚明泰昌之立不過三月足見天之報施不爽王錫爵身

爲大臣不能爲國家擇賢而立而以此爲功可乎且萬曆之時四方構釁朝廷多事明代之衰實由於此王錫爵旣秉國鈞豪不能調理潜消而乃以建立泰昌一事博名後世將誰欺乎今王掞屢次陳奏皆以伊祖爲辭語言煩絮揆其意中必有所主且不思萬曆之時紀綱淪壞所立非人以致世運日替王掞何不願國家安泰長享昌運而乃以末季之事爲比喻耶爾等將朕旨詳悉寫錄傳諭王掞欽此臣跪誦之下戰兢愧汗無地自容罪當萬死蒙皇上不即加重譴猶得奉旨詳悉傳諭破臣心之愚指臣言之謬是皇上之寬弘矜諒尙賜臣以覺悟愧悔之路也臣震驚之下感激更不欲生謹將臣奏摺煩絮之由并區區微忱愚悃一剖露於皇上之前惟皇上鑒之兩年來恭聆皇上諭旨備悉宵旰憂勞無一時一事可以少釋即近日御賜臣等詩扇亦有求簡遂巡多恍惚遇煩留滯累精神之句臣因聖諭所及字字實情眞境展轉圖維求所以稍紓皇上之憂勞者實無其道愚昧無識竊謂惟早定儲位庶幾可稍佐裁決之萬一又念宗社大計皇上必熟籌萬全非臣下可置末議而臣之愚誠旣萌一月